

集部

欽定四庫

下 續文章正宗卷四

詳校官右中允臣旌

助教臣常循覆勘 敏

校對官中書日潘庭筠 覆校官中書 臣康儀釣 **腾録貢生日** 劉

迼

とこうこ しこう 明 賣文章正宗 100000 道而其要在於兵不 胡 倪 滋盖自秦漢以来未 澄 松 蘇 重編 增訂 原本 柱

於上上曰羿丹幽薊皆吾民也何多以殺為逐韶諸将 兵會界河上邀其歸徐以精甲蹋其後殲之敵懼求哀 策親征既次澶淵諸道兵大會行在敵既震動兵始接 用用不久常使智者謀之而仁者守之雖至於無窮可 金芡四戽任書 射殺其處將順國王達蘭敵懼逐請和時諸將皆請以 也昇丹自晉天福以来踐有幽薊北鄙之警界無寧歲 不克逐陷德清以犯天雄真宗皇帝用宰相寇準計决 凡六十有九年至景徳元年舉國来冠攻定武圍髙陽 东四

臣皆莫敢行宰相舉右正言知制誥富公公即入對便 其有以大鎮撫之命宰相擇報聘者時敵情不可測產 時中外念之仁宗皇帝曰昇丹吾兄弟之國未可棄也 兵境上遣其臣萧英劉六行来聘兵既壓境而使来非 詞以動我欲得晉高祖所與關南十縣慶歷二年聚重 丹之臣有貪而喜功者以我為怯且厭兵逐教其主該 三十有九年及趙元昊叛西方轉戰連年兵久不决昇 按兵勿伐縱昇丹歸國敵自是通好守約不復盗邊者

節定四車全書

續大章正宋

幣且命公報聘既至六符館之往反十數皆論割地必 得者告公且曰可從從之不可從更以一事塞之公具 等見公傾盖亦不復隱其情遂去左右密以其主所欲 此何禮也英矍然起拜公開懷與語不以夷狄待之英 吾當使北病即車中間命輒起拜今中使至而公不起 以聞上命御史中丞賈昌朝館伴不許割地而許增歲

為接件英等入境上遣中使勞之英託足疾不拜公曰

殿叩頭曰主愛臣辱臣不敢愛其死上為動色乃以公

飲定四車全書 曰晉高祖斯天叛君而求助於北末帝昏亂神人棄之 勸用兵者此皆其身謀非國計也遠主驚曰何謂也公 獲若用兵則利歸臣下而人主任其既故北朝諸臣爭 章聖皇帝之大德乎澶淵之役若從諸将言北兵無得 謂不若遣使求地求而不獲舉兵未晚也公曰北朝后 脱者且北朝與中國通好則人主專其利而臣下無所 水治城隍籍民兵此何意也羣臣請舉兵而南寡人以 不可狀及見遠主問故遠主日南朝違約塞馬門增塘 衛文章正宗

塞馬門者以備元昊也塘水始於何承矩事在通好前 **敏若通好不絕歲幣盡歸人主臣下所得止奉使者嚴** 未可知就使其勝所亡士馬羣臣當之與抑人主當之 者今中國提封萬里所在精兵以百萬計法令修明上 幣充物諸臣之家而壯士健馬物故太半此誰任其縣 是時中國狹小上下離叛故昇丹全師獨克雖敵獲金 人耳薩臣何利馬遼主大悟首肯者久之公又曰 心北朝欲用兵能保其必勝子曰不能公曰勝員

して ラニ ニュ 耳朕亦安得獨避用兵乎澶淵之盟天地鬼神實臨之 幣以代賦入若北朝必欲得地是志在敗盟假此為詞 利其租賦耳朕不欲以地故多殺兩朝赤子故屈己增 故地宣北朝之利也哉本朝皇帝之命使臣則有詞矣 復伐取關南皆異代事宋與己九十年若各欲求異代 日朕為祖宗守國必不敢以其地與人北朝所欲不過 其缺耳非違約也晉高祖以盧龍一道縣势丹周世宗 地里水聚勢不得不增城隍皆修舊民兵亦舊籍特補 衛吏章正宗

大感悟遂欲求婚公曰婚姻易以生陈人命脩短不可 果不同乃馳還都以晡入見宿學士院一夕易書而行 見國書萬一書詞與口傳者異則吾事敗矣發書視之 傳之詞于政府既行次樂壽謂其副曰吾為使者而不 萬縣宣若歲幣無窮之獲哉遠主曰卿且歸矣再来當 知不若成幣之堅久也本朝長公主出降齊送不過十 今北朝首發兵端過不在朕天地鬼神豈可欺也哉速 一授之卿其遂以誓書來公歸復命再聘受書及口

多定匹库全書

てつこうこと しこと 祖借兵於突厥故臣事之當時所遺或稱獻納則不可 知其後頡利為太宗所擒宣復有此禮哉公聲色俱屬 所憂也遼主曰卿勿固執古亦有之公曰自古惟唐髙 而至於用兵則南北敵國當以曲直為勝負非使臣之 民不忍使蹈鋒鏑故屈己增幣何名為懼哉若不得己 若我擁兵而南得無悔子公曰本朝皇帝兼愛南北之 則曰納公爭不可產主日南朝既懼我矣何惜此二字 既至遼不復求婚事欲增幣日南朝遺我書當曰獻否 衛夫章上於

也公諱弼字彦國河南人曾大父内黄令諱處讌大父 餘年間兵不大用者真宗仁宗之德而冠準與公之功 也上從之增幣二十萬而昇丹平北方無事盖又四十 書復使耶律仁先及六符以其國誓書来且求為獻納 心脏然知通好用兵利害之所在也故臣曾竊論之百 遼知不可奪日吾當自遣人議之於是留所許增幣誓 公奏曰臣既以死拒之彼氣折矣可勿復許彼無能為 八年矣羿丹君臣至今誦其語守其約不忍敗者以其

發先亞庫全書

巻四日日日

貴贈太師中書今尚書令封鄧韓泰三國公曾祖母劉 國公憂服除會郭后廢范仲淹爭之貶知睦州公上言 以是進天聖八年公以茂才異等中第授將作監丞知 有大度范仲淹見而識之曰此王佐才也懷其文以示 氏祖母趙氏母韓氏封魯韓泰三國太夫人公幼篤學 商州馬步使諱令荀者尚書都官員外郎諱言皆以公 王曾晏殊殊即以女妻之仁宗復制科仲淹謂公子當 河南府長水縣用李迪辟簽書河陽節度判官事丁秦

钦定四車全書 !

後大章正宗

從王曾辟通判鄆州實元初趙元昊反公上疏陳八事 而詞甚仍此必元昊腹心謀臣自請行者宜出其不意 且言元昊遣使求割地邀金帛使者部從儀物如昇丹 通判絳州景祐四年召試館職遷太子中允直集賢院 朝廷一舉而獲二過縱不能復后宜還仲淹以來忠言 府推官擢知諫院康定元年日食正旦公言請罷燕徹 難之際可為極客子議者以為有宰相器召還為開封 斬之都市又言夏守資庸人也平時猶不當用而況艱

昊寇鄜延殺二萬人破金明擒李士斌延帥范雍鈴轄 事公因論日食以謂應天變莫若通下情遂除其禁元 曰萬一北遠行之為朝廷盖後使遠還者云遠中能燕 樂雖遼使在館亦宜就賜飲食而已執政以為不可公 如公言仁宗深悔之初宰相惡聞忠言下令禁越職言

虚守熟閉門不救中貴人黃德和引兵先走劉平石元

钦定四車全書

續文章正宗

走元昊北走昇丹矣夏守蘅為陝西都總管又以入內 意宰相惡上知四方有敗耳民有急不得訴之朝則西 亡狀執政惡之命邊郡禁民擅赴闕者公言此非陛下 坐腰斬延州民二十人詣闕告急上召問具得諸將敗 **微樞客院奏方用兵獄不可遂公言大臣附下罔上獄 邮其家守熟德和皆中官怙勢誣人冀以自免宜竟其** 環慶引兵來援以姦臣不救故敗竟罵賊不食而死宜 不可不竟時守熟男昭序為御樂公奏七罷之德和竟

大ピワヤ とら 棄之耶語皆侵執政自用兵以来吏民上書者甚衆初 皆奴才小人不可用詔遣侍御史陳泊往陕西督修城 徳和覆車之輟可復蹈子詔罷守忠時又用觀察使魏 忠鈴轄乃與唐中官監軍無異将吏必怨懼慮守數黃 且城潼關公言天子守在四夷令城潼關自關以西為 指揮使公言昭昞乳臭兒必敗事守忠與化故親事官 昭昞為同州鄭守忠為殿前都指揮使高化為步軍都 都知王守忠為都鈴轄公言用守續既為天下笑而守 續文章正宗

故事兼領仁宗曰軍國之務當盡歸中書樞密非古官 質王溥亦以军相參知極密院事今兵與宜使宰相以 然未欲逐廢內降令中書同議樞密院事且書其檢室 危不當專委極容院周宰相魏仁浦兼樞密使國初范 欲以天下是非盡付他人乞與廷辨又言邀事系國安 金发口压石量 相以内降納上前曰恐樞宏院謂臣奪權公曰此宰相 考其所言可用用之掌相以付學士公言此掌相偷安 不省用公言知制語本中書屬官可選二人置局中書

次定四軍亡馬 為之開封按餘人而不及吏公白執政請以吏付獄執 避事耳非畏奪權也時西夏首領吹同己砂吹同山气 制語斜察在京刑獄時有用偽牒為僧者事覺乃堂吏 判官遷太常丞史館修撰奉使昇丹二年改右正言知 不知耶更極論之上從公言以军相無樞客使除鹽鐵 見牵相論之宰相初不知也公嘆曰此豈小事而宰相 各稱偽將相来降補借奉職羈置荆湖公言二人之降 其家已族矣當厚實以勸来者上命以所言送中書公 續文章正宗

日ントロー人ノコア 志也特以朝廷方討元昊未暇與遼角故不敢以死爭 亂人意專遷翰林學士公見上力解曰增歲幣非臣太 受命聞一男生皆不顧而行得家書不發而焚之曰徒 吏部郎中極密直學士懇解不受始受命聞一女卒再 歐陽修上書引顏真鄉使李希烈事留公不報使還除 必得吏乃止執政滋不悅故薦公使昇丹欲因事罪之 政指其坐曰公即居此無為近名公正色不受其言曰 其敢受乎慶歷三年三月遂命公為樞密副使辭之

欽定四庫全書 綴樞密院班乃坐且使宰相章德象諭公曰此朝廷特 為參知政事社衍為樞密使韓琦與公副之歐陽脩 用非以使遼故也公不得已乃受時晏殊為相范仲 逾月復除前命時元昊使辭奉臣班紫宸殿門上俟公 侮中原之恥坐薪嘗膽不忘修政因以告納上前而罷 敗盟臣死且有罪非獨臣不敢受亦願陛下忠邊方輕 副使公言遠既通好議者便謂無事邊備漸弛遼萬 力改授資政殿學士無翰林侍讀學士七月復除極家 卷四卷正宗

靖王素蔡襄為諫官皆天下之望魯人石介作慶歷聖 暴以進賢退不肖止僥倖去宿弊為本欲漸易諸路監 望太平於春月之問數以手詔督公等條具其事又開 淹各上當世之務十餘條又自上河北安邊十三策大 徳詩歷頌羣臣皆得其實曰維仲淹弱一夔一昇天下 天章問召公等坐且給筆礼使書其所欲為者遣中 不以為過公既以社稷自任而仁宗责成於公與仲淹 一人更往督之且命仲淹主西事公主北事公遂與仲

得無與元昊襲我乎公曰遼自得幽薊不復由河東入 中且發兵會元昊伐呆兒族於河東為近上問公曰遼 事自我出既至則恩歸昇丹矣從之是歲昇丹受禮雲 遣使以書来稱男而不臣公言昇丹臣元昊而我不臣 七月昇丹來告舉兵討元昊十二月詔册元昊為夏國 主使将行而止之以俟虏使公曰若虏使未至而行則 則昇丹為無敵於天下不可許乃却其使卒臣之四年 司之不才者使澄汰所部吏於是小人始不悅矣元昊

欽定四庫全書

卷四章正宗

計臣請任之途若入冠臣為罔上且誤國上乃止遼卒 為備公日建雖不来猶欲以虚聲因我若調發正置其 約相左右以困中國今昇丹背約結好於我獨獲重點 遼疑元昊使之故為是役安能合而冠我哉或請調發 燕薊之虚也今兵出無名昇丹大國決不為此就使妄 元昊有怨言故遠築威塞州以備之呆兒屢殺威塞人 動當出我不意不應先言受禮雲中也元昊本與邦丹

寇者以河北平易富饒而河東峻齊且虞我出鎮定據

貯之得公私廬舍十餘萬區散處其人以便薪水官 豐稔者五州勒民出栗得十五萬科益以官庫隨所在 を記り巨八三 使讒者不已能安撫使歲餘讒不驗加給事中移知青 避之使将還除資政殿學士知鄆州兼京東西路安撫 公者上 州兼京東東路安撫使河朔大水民流京東公擇所部 都行其事小人怨公不已而大臣亦有以飛語說 公謂昇丹異日作難必於河朔既上 一雖不信公懼因保州賊平求為河北宣撫使以 續文章正宗 三策又請 |拜禮部侍郎公曰救災守臣職也解不受前此救災者 誠人人為盡力流民死者為大家華之謂之叢家自為 次受賞於朝率五日輔遣人以酒肉粮飯勞之出於至 之其主不得禁官吏習書其勞約為奏請使他日得以 自前資待闕寄居者皆給其禄使即民所聚選老弱病 文祭之明年麥大熟流民各以遠近受糧而歸凡活五 齊者廩之山林河泊之利有可取以為生者聽流民取 十餘萬人募而為兵者又萬餘人上聞之遣使勞公即 卷四

金穴四母全書

たこの これ 使馳至郡發吏卒取之無得脫者且自刻擅遣中 貴人張從訓銜命至青公度從訓可使即以事付從訓 或待次數日不食得粥皆僵什名為救之而實殺之自 終十萬人矣王則據貝州叛齊州禁兵馬達張青與姦 握之壻楊俊詣公告之齊非公所部恐事泄變生時中 民張握等得劒印于妖師欲以其衆叛将屠城以應則 公立法簡便周至天下傳以為法至于今不知所活者 皆聚民城郭中煮粥食之飢民聚為疾疫及相蹈籍 續文章正宗

豈不賢於夢上也哉脩頓首稱賀仁宗弗豫大臣不得 且曰古之求相者或得於夢上今朕用二相人情如此 慶於朝仁宗密現知之歐陽脩奏事殿上上具以語脩 兼河東經界安撫使至和二年召拜同中書門下平章 學士以明堂恩除禮部侍郎徒知鄭州又徒蔡州加觀 事集賢殿大學士與文彦博並命宣制之日士大夫相 文殿學士知河陽遷户部侍郎除宣徽南院使判并州 仁宗嘉之再除禮部侍郎公又懇詞不受遷資政殿大 卷四

到 5 四 月 全書

灰 之 四車 全書 故事執政遇喪皆起復公以謂金革變禮不可用於平 省刑獄天下便之六年丁泰國太夫人憂詔為罷春燕 使分道相視裁減謂之霓邮民力又弛茶禁以通商賈 故百官任職天下無事以所在民力困弊賦役不均遣 中肅然嘉祐三年加禮部尚書昭文館大學士監脩國 史公之為相守格法行故事而附以公議無心於其間 因以監視禳禱為名乞留宿内殿事皆関白而後行禁 見中外憂恐文彦博與公等直入問疾內侍止之不可 續文章正宗 -1-1/29

|逾年以足疾求解機務章二十上拜鎮海軍節度使同 英宗即位拜樞密使同中書門下平章事遷户部尚書 世仁宗待公而為政五遣使起之卒不從命天下稱焉 願立法自臣始不從神宗即位改鎮武寧軍進封鄭國 中書門下平章事判河陽封祁國公公五上章辭使相 自為地故開此比終仁宗之世宰相極家使罷者皆除 且言真宗以前不輕以此授人仁宗即位之初執政欲 使相至不稱繼有罪者亦然天下非之今陛下初即位

第一區皆辭不受復拜左僕射門下侍郎同中書門下 辭赴郡明年二月除司空無侍中昭文館大學士賜甲 集禧觀使召赴關公以足疾固辭復判河陽熙寧元年 平章事公既至未見有於上前言災異皆天數非人 至日昃赐紹隆五品服再對上欲留公為集禧觀使力 内東門小殿見之今男紹隆入扶且命無拜坐語從容 移汝州且部入覲以公足疾許肩與至殿門上特為御 公公又乞能使相乃以為尚書左僕射觀文殿大學

飯定四庫全書

終り章正宗

丰

斷其請臣以為此盛德事正當以示遠人乞并罷上 故事有災變皆微樂恐上以同天節遵使當上壽故未 亂之機也吾不可以不速救即上書數十言雜引春秋 洪範及古今傳記人情物理以明其決不然者羣臣請 事不可為者去亂亡無幾矣此必姦臣欲進邪說故先 得失所致者公聞之歎曰人君所畏惟天若不畏天何 | 章號及作樂上以久早不許羣臣固請作樂公又言 一以無所畏使輔拂諫諍之臣無所復施其力此治

善怒不以喜怒為用舍公始見上上問邊事公曰陛下 從之即日而雨公又上疏願益畏天戒遠姦佞近忠良 為戒八月以疾辭位拜武寧軍節度使同中書門下 即位之始當布德行惠願二十年口不言兵因以九事 更願公不替今日之志則天災不難弭太平可立俟也 存王室何以臻此敢不置之枕席銘諸肺腑終老是戒 公既上疏謝復申戒不已願陛下待羣臣不以同異為 一親書答詔曰義忠言親理正文直尚非意在愛君志

大臣日華 という

續文章正宗

廷有大利害知無不言交趾叛詔郭逵等討之公言海 不問無以今天下乃除左僕射判汝州公言新法臣所 趙濟劾公以大臣格新法法行當自貴近者始若置而 請者皆貧民後不可復得故持之不行而提舉常平倉 章事判河南復以公請改亳州時方行青苗包錢法公 復武寧節度及平章事進封韓國公致任公雖居家而朝 以為此法行則財聚於上人散於下且富民不願請願 不晓不可以復治郡願歸洛養疾許之尋請老拜司空

灭之马草 白馬 博彦博言與同老合上嘉公等動績如此而終不自言 言至和三年仁宗非豫其父堯臣皆與文彦博劉沅及 事人無復知者以其父堯臣所撰詔草上之上以問彦 開府儀同三司是歲故參知政事王堯臣之子同老上 師邦丹來爭河東地界上手認問公公言熙河諸郡皆 崎峻遠不可以責其必進願詔遠等擇利進退以全王 不足守而河東地界决不可許元豐三年官制行改授 公同決大策乞立儲嗣仁宗許之會到日有療故緩其 續文章正宗

六月丙申费于洛陽私第之正寢享年八十手封遺表 光禄寺丞早卒女四人長道保寧軍節度使北京留守 内出祭文遣使致奠所以膊邺其家者甚厚贈太尉諡 紹庭朝奉郎曰紹京供備庫副使後公一月卒曰紹隆 里公之配曰周國夫人晏氏後公四年卒子男三人曰 使其子上之世莫知其所言者上聞計震悼為報視朝 下詔以公為司徒且以其子紹京為閣門祗候六年閏 一月庚申差于河南府河南縣金谷鄉南張

謂大勇者乎其好善疾惡盖出於天資常言君子小人 雜處終必為臭其為宰相及判河陽最後請老家居止 測之敵廷詰其君臣折其口而服其心無一語少屈所 幼賤必盡敬氣色穆然終身不見喜愠然以單車入不 承奉郎直亮假承務郎公性至孝恭儉好禮與人言雖 馮京卒又以其次繼室封安化郡夫人次適承議郎范 如冰炭決不可以同器若兼收並用則小人必勝薰猶 大琮次適宣德郎范大珪孫男三人定方承事郎直清 7 見し声目に

多玩四峰全書 録四卷青州振濟策三卷平生所薦甚衆尤知名者十 轍必勝而後已小人復勝必遂肆毒於善良無所不為 求天下不亂不可得也其為文章辯而不華質而不便 五卷奏議十三卷表章三十卷河北安邊第一卷奉使 有文集八十卷天聖應於集十一卷諫垣集三卷制草 則奉身而退樂道無問小人不勝則交結構扇干收萬 天子之職也君子與小人並處其勢必不勝君子不勝 一上章皆言天子無職事惟辨君子小人而進退之此 巻を 四こ

立願有以寵綏之上為親篆其首曰顯忠尚德之碑且 宗至于神考成有一德克享天心則天界以人光明偉 命臣軾撰次其事謹拜手稽首而獻言曰世未嘗無賢 陳襄王鼎張温之杜杞陳希亮之流皆有聞於世世以 也自竟舜三代以至于今有是君則有是臣故仁宗英 明年以明堂恩加照太師紹庭請于朝曰先臣墓碑未 為知人元祐元年六月有治以公配享神宗皇帝廟庭 入如王質與其弟素余靖張壞石介孫復吳奎韓維 Merchant col fee

宰相歷問近臣孰能為朕使敵者皆以事群免公獨慨 命世之士军能以功名終始者臣觀三宗所以待公全 至及石介為慶歷聖德詩天下傳誦則大臣疾公如仇 之群免者自恥其不行則惟公之怨比而讒公無所不 其功名而保其終始盖可謂至矣方契丹求割地上命 然請行使事既畢上欲用公公逡巡退避不敢居而向 傑有如公者觀公之行事而味其平生則三宗之盛德 可不問而知也古之人臣功高則身危名重則謗生故

一级定四库全書 人

段之四車全書 16/ 請老有大政事必手詔訪問又追論定策之勲以告天 重然一 清廟宜有頌詩以昭示來世其詞曰 臣古人有言曰為君難為臣不易豈不然哉公既配食 生民天子虚已聽公西我北秋視公進退以為中國輕 構以飛語必欲致之死地仁宗徐而察之盡辯其誣卒 以公為相及英宗神宗之世公已老矣勲在史官德在 下龍及其子孫然後小人不敢復議雅容進退卒為宗 一趙濟敢抵之惟神宗日月之明知公愈深公雖 續文章正宗 主

鑪銽往銷其鋒孰謂民遠我聞其呻寧爾小必無殘我 殺為儇兵支兩河腥聞于天上帝僧之命我祖宗界爾 五代八姓十有二君四十四年如絲之恭以人為嬉以 級之堂堂韓公與萊相望再聘于燕北方以寧景德元 聞其言折其萌芽篤生菜公尺築笞之既服既馴則擾 **裸始照界丹公生是歲天命則然公之在母秦國籍為** 矧敢好兵百三十年諱兵與刑惟彼北戎謂帝我驕帝 民六聖受命維一其心較其後人帝命是承勿劓則人

阪定四車全書 一教降神今歸不留臣軾作頌以配松高 荐熊散流而東五十萬人仰哺于公公之在內自泉流 啓其東北至燕然南至于河億萬維生公手撫摩水涤 旌旗鶴為降充其庭云有天赦已而生公天欲赦民公 故太子少師清献趙公既薨之三年其子此除丧來告 重華協明帝謂公來陨星其堂有墳其印公豆是藏維 瀕其在四方自葉流根百官維人百度維貞相我三宗 趙清獻公神道碑 續文章正宋

窥日月之末光矣未當行也而萬事莫不果舉未常視 于朝日先臣既差而墓隧之碑無名與文無以陷示來 獻公權自御史是時將用諫官御史必取天下第一流 也而萬物莫不畢見非有他術也善於用人而已惟清 為之文臣軾逮事仁宗皇帝盖常霧觀天地之盛德而 非學術才行備具為一世所高者不與用之至重故言 以忠言摩上如晉叔向乃以愛直名其碑而又命臣軾 世敢以請天子曰嘻兹予先正以惠術撥民如鄭子産

光逢光裔並掌內外制皆為唐聞人五代之亂徒家于 唐德宗世植為嶺南節度使植生隱為中書侍郎隱生 獻公與其僚之功也公諱非字閱道其先京兆奉天人 穆然無為坐視其成功姦完消亡而忠良全安此則清 者是非明辨而赏罰必信故士居其官者少安而天子 行計從有不十年而為近臣者言不當有不旋踵而點 韓湘盧州盧江尉始家于衛遂為西安人考諱亞才廣 越公則植之十世從孫也曾祖諱曇深州司户參軍祖

欽定四庫全書 開府儀同三司封禁國公妣徐氏魏國太夫人徐氏越 皆不死遂以疑識之卒免死一府皆服閱嚴舉監潭之 公獨曰造在赦前而用在赦後赦前不用赦後不造法 科為武安軍節度推官民有偽造印者吏皆以為當死 國太夫人公少孙且貧刻意力學中景祐元年進士し 州南海主簿公既貴贈曾祖太子太保妣陳氏安國太 糧料歲滿改著作佐郎知建州崇安徒通判宜州卒有 夫人祖司徒妣家氏崇國太夫人俞氏光國太夫人考 卷四章正宗

不如法士卒謀欲為變或以告守恐怖日未夕輔閉 孝子傳終喪起知泰州海陵復知蜀州江原還通判泗 會散以免公受人之周類如此未幾以越國喪處于墓 我人當死者方緊獄病癰未溃公使醫療之得不瘐死 其所以然使若權不已出者守得以善去濠守以廩賜 州四守昏不事事監司欲罷遣之公獨左右其政而晦 三年不宿于家縣榜其所居里為孝弟處士孫處為作 不出轉運使徒公治濠公至從容如平日濠以無事會

欽完四庫全書 言事雖切而人不厭温成皇后方差始命參知政事劉 史彈刻不避權幸京師號公鐵面御史其言常欲朝廷 流監護其役及流為相而領事如故公論其當罷以全 無患君子不幸而有註誤當保持爱惜以成就其德故 别白君子小人以謂小人雖小過當力排而絕之後乃 公亮為翰林學士未識公而以墨官薦召為殿中侍御 國體復言宰相陳執中不學無術且多過失章十二十 卒罷去王拱辰奉使契丹還為宣徽使公言拱辰 卷四章正宗 饭定四年全書 四 官以前任常州失入徒罪自舉遇赦而指罷監邵武酒 罪點而京亦奪修起居注公皆力言其非是必以復職 景初等隨亦被逐馮京言吳充鞠真卿习約不當以無 皆出知軍日景初馬遵吳仲復彈奏梁適適以罷相而 平生所為及奉使不如法事命遂寢復言極密使王德 知軍充真卿約景初遵皆召還京中復皆許補故關先 稅吳充鞠真鄉發禮院吏代書事吏以贖論而充真卿 用翰林學士李淑不稱職皆罷去是時邵必為開封推 續文章正宗

睦歲為杭市羊公為移文却之民籍有茶稅而無茶地 皆欲請郡者以正色立朝不能韵事權要傷之者聚耳 紛引去憂國之士為之寒心侍從之賢如脩輩無幾今 歐陽修乞茶買照乞荆南公即上言近日正人賢士紛 是日漆出守徐茶襄守泉吳奎守壽韓終守河陽已而 教育於宫中封建任使以示天下大本已而求那得睦 太子未定中外完懼及上既康復公請擇宗室賢子弟 修等由此不去一時名臣賴之以安仁宗晚歲不豫而

設定四車全書 燒鍊出入禁中公言漢文成五利唐普思靜能李訓鄭 注多依宦官以結主假樂術以市姦者也其漸不可啓 召論事不折如前入內副都知節保信引退兵董吉以 制坐之蜀風為之一變窮城小邑民或生而不識使者 衙前治厨傳破家相屬也公身即以儉不從者請以違 益两蜀地遠而民弱吏恣為不法州郡以酒食相饋餉 公為奏蠲之民至今稱馬移充梓州路轉運使未幾移 公行部無所不至父老驚喜相慰姦吏亦竦以右司諫 續火軍正宗

悦吾一無所問令皆喜爭盡力虔事為少獄以屢空改 欣然過家上家而去既至遇吏民簡易嚴而不苛悉召 即居家待罪韶强起之乃乞補外二人皆相次去位公 者公陳其不可陳升之除樞密副使公與唐介日海范 諸縣今告之為令當自任事勿以事該郡尚事辦而民 與言者亦罷公得虔州地遠而民好訟人謂公不樂公 師道同言升之交結宦官進不以道章二十餘上不省

宋庠為樞密使選用武臣多不如舊法至有訴於上前

大ピロレ という 朝遣其屬来告曰前此監司未有投視吾事者公雖欲 轉運使時買目朝以使相判大名府公欲按視府庫目 使英宗即位奉使葬丹還未至除天章閣待制河北都 載之至者既悉授以舟復量給公使物歸者相繼於道 住官之家有父兄没而不能歸者皆移文以遣當具舟 **虔易舟而北公開取餘材造舟得百艘移二廣諸郡曰** 朝廷聞公治有餘力召知御史雜事不関月為度支副 修鹽法疎鑿職石民賴其利虔當二廣之衝行者常自 續文章正宗 卖

督其事奏言河朔頻歲豐熟故募不如數請寬其罪以 者其首既死其為從者宜持點配及為成都適有此獄 人安之初公為轉運使言蜀人有以妖犯聚衆為不法 俟農隊從之坐者得免而募亦隨足目朝乃愧服曰名 者徒二年州郡不時辨官吏當坐者八百餘人公被旨 即往視之目朝初不說也前此有的募義勇過期不足 舉職恐事有不應法奈何公曰捨大名則列郡不服矣 不虚得矣旋除龍圖閣直學士知成都公以寬治蜀蜀

金グロろくつ

にこりきした 論日海傅竟俞范純仁日大防趙瞻趙鼎馬點皆骨師 自隨為政簡易亦稱是耶公知上意將用其言即上疏 轉運使陛辭上面諭曰趙某為成都中和之政也神宗 不為諫官大臣為言上曰用趙某為諫官賴其言耳尚 即位召知諫院故事近臣自成都還将大用必更省府 至此耳刑其為首者餘皆釋去蜀人愈爱之會禁謹除 其人皆懼意公必盡用法公察其無它曰是特坐轉酒 欲用之何傷及謝上謂公聞卿匹馬入蜀以一琴一 衛之章王京 Ë

者於體為小而禁近耳目之臣用捨為大今不罷財利 重體有大小財利於事為輕而民心得失為重青苗使 以公議為主會王安石用事議論不協既而司馬光辭 議大夫參知政事感激思奮面議政事有不盡者輔密 樞客副使莹辣侍從多以言事求去公言朝廷事有輕 **啟聞上手詔嘉之公與當獨曾公亮唐介同心輔政率** 書極密院事公議不允公力言之即罷居三月擢右諫 敢言久譴不復無以慰縉紳之望上納其說郭達除簽

為员四月全書

卷四

大三日日 公計 時山東早蝗青獨多麥蝗自淄齊来及境遇風退飛 安矣言入即求去四上章不許熙寧三年四月復五上 水而盡五年成都以戊卒為憂朝廷擇遣大臣為蜀人 華除資政殿學士知杭州公素號寬厚杭之無賴子弟 取輕失大而得小非宗廟社稷之福臣恐天下自此不 以此逆公皆駢聚為惡公知其意擇重犯者率縣配他 而輕失民心不罷青苗使者而輕棄禁近耳目去重而 州惡黨相帥道去未幾從青州因其俗朴厚臨以清淨 續文章正宗

陛下有言即法也豈顧有例哉上大喜公乞以便宜行 畏我以帥衆比戊還得餘貴持歸為室家計可也人知 年相若也吾以一身入蜀為天子撫一方汝亦宜清慎 晏然一日坐堂上有卒長在堂下公好諭之曰吾與汝 及見上曰近歲無自政府復往者卿能為我行乎公曰 事即日辭去至蜀點為經略而燕勞開服如他日兵民 公有善意轉相告語莫敢復為非者劒州民李孝忠集

所受信者皆莫如公遂以大學士知成都然意公必幹

金只四周在書

欠記可見 二二 老計得越州吳越大機民死者過半公盡所以敢荒之 喧傳京師謂公脫逆黨朝廷取具獄閥之卒無以易也 不可用用三牲可也使至已繁婢引弓将射心取血聞 帥兵計之夷人驚潰乞降願殺婢以盟公使喻之曰人 茂州蕃部鹿明玉等逢聚境上肆為剽掠公亟遣部將 聚二百餘人私造符牒度人為僧或以謀逆告獄具公 不畀法吏以意決之處孝忠以私造度牒餘皆得不死 公命謹呼以聽事說不殺一人居二歲乞守東南為歸 續支章正宗

| 築其城公曰民未可勞也罷之錢氏納國未及百年而 二年二月加太子少保致仕時年七十二矣退居于衢 為表忠觀公年未七十告老于朝不許請之不已元豐 墳廟理把杭人哀之公奏因其所在歲度僧道士各 得樂死者得藏下今修城使民食其力故越人雖饒而 術發原勘分而以家肯先之民樂從馬生者得食病者 不怨復徙治杭杭旱與越等其民尤病既而朝廷議欲 人收其田租為歲時獻享營繕之費從之且改妙因院

欽定四庫全書 四 常平以便其養则復侍公游杭始公自杭致仕杭人留 七年八月癸已也計聞天子輟視朝一日贈太子少 逆者如見父母以疾還衙有大星陨馬二日而公喪實 問祭之此代選得見上顧問公甚厚以此提舉浙東西 有溪石松竹之勝東南高士多從之游朝廷有事郊廟 十二月乙酉薤于西安蓮華山諡曰清獻公娶徐氏東 再起公侍祠不至则通判温州從公游天台雁湯吳越 公不得行公日六年當復来至是適六歲矣杭人德公 卷四章正宗

平生不畜聲伎晚歲習為養氣安心之術翛然有高舉 且葬者施棺給薪不知其數少育於長兄振振既沒思 長曰此終杭州於潛縣今次即則也今為尚書考功員 頭供奉官度之女封東平郡夫人先公十年卒子二人 和易温厚周旋曲器謹絕墨蹈規矩與人言如恐傷之 報其德將遷侍御史乞不遷以贈振大理評事公為人 外郎公平生不治産業嫁兄弟之女以十數皆如已女 在官為人嫁孤女二十餘人居鄉辈暴骨及貧無以飲

欽定四庫全書 惠利為本然至於治稅誅鋤强惡姦民屏迹不敢犯盖 繼守成都事循其舊亦曰趙公所為不可改也要之以 意將薨晨起如平時机侍側公與之訣詞色不亂安坐 神宗凡擬二郡守必曰昔趙某治此最得其術嗎京相 有可與與之獄有可出出之治處與成都尤為世所道 而終不知者以為無意於世也然至論朝廷事分别那 為不可及也公為吏誠心愛人所至崇學校禮師儒民 正慨然不可奪宰相韓琦常稱趙公真世人標表盖以 卷四章正宗

之言公兼而有之不幾於全乎 疾盖東郭順子之清孟獻子之賢鄭子産之政晉叔向 猛政嚴而不殘其在言責不專於直為國愛人掩其就 適不宜邦之司直民之父師其在官守不專於寬時出 蕭望之為太傅近古社稷臣其為馮翊民未有聞黃霸 其學道清心遇物而應有過人者矣銘曰 為顏川治行第一其為丞相名不迨昔孰如清獻公無 司馬温公行狀

待制贈太師追封温國公母聶氏贈温國太夫人公諱 皇甫氏贈温國太夫人父池尚書吏部郎中充天章問 自高祖曾祖皆以五代衰亂不任富平府君始舉進上 征東大將軍陽始整今陝州夏縣涑水鄉子孫因家馬 光字君實其先河内人晉安平獻王字之後王之裔孫 試秘書省校書即知耀州當平縣事贈太子太傅祖母 曾祖政贈太子太保曾祖母薛氏贈温國太夫人祖炫 没於縣令皆以氣節聞於鄉里而天華公以文學行 續文章正宗

阪定四車全書

一受之退為家人講即了其大義自是手不釋書至不知 翔河中同杭號晉六州以清直仁厚聞於天下號稱 章公當任子次及公公推與二從兄然後受補郊社齊 事真宗仁宗為轉運使御史知雜事三司副使歷知鳳 郎再奏將作監主簿年二十舉進士甲科及奉禮郎以 時名臣公自兒童凛然如成人七歲聞講左氏春秋七 天章公在抗解所遷官求簽書蘇州判官事以便親許 **熊沿寒暑年十五書無所不通文詞醇深有西漢風天**

臣非有元勲大勞而贈以三公之官給以一品鹵簿其 孔子不以名器假人繁纓以朝且猶不可允言近習之 禮院中官麥允言死詔以允言有軍功特給鹵簿公言 奇之及是為福密副使薦公召試館閣校勘同知太常 講遷本寺及故相麗籍名知人始與天章公遊見公而 如禮服除簽書武成軍判官事及大理評事為國子直 之未上丁太夫人爱未除丁天章公憂執丧累年段齊 為繁纓不亦大乎故相夏竦卒詔賜諡文正公言諡之

次主四華全書 图

續文章正宗

|築二堡河西可使堡外三十里敵不敢田則州西六十 殿中丞除史館檢討修日歷改集賢校理龐籍為鄆州 者敵乃得稍蠶食其地俯窥麟州為河東憂籍請公按 昊始臣河東貧甚官苦貴雜而民族於遠輸蘇州窟野 徙并州皆辟公通判州事公感籍知已為盡力時趙元 河西多良田皆故漢地公私雜耕天聖中始禁田河西 視公為畫五策宜因州中舊兵監禁兵三十廂兵五百

美者極於文正竦何人可以當此書再上改諡文莊遷

自ジロノノニ

たにり声 ハニラ 之改太常博士祠部員外郎直松閣判吏部南曹遷開 咎籍既沒升堂拜其妻如母撫其子如見弟時人两賢 遇敵死之議者歸罪於籍罷節度使知青州公守嗣三 恩勇且在夜開城門引千餘人渡河載酒食不為戰備 自賤可以漸給河東之民籍移麟州如公言而兵官郭 能耕窟野河西者長復之耕者必眾官雖無所得而雜 上書乞獨坐其事不報籍初不以此望公而公深以自 里無敵矣募民有能耕麟州尉田者復其稅役十五年 衛文章正宗

當食公言故事食不滿分或京師不見皆賀臣以為日 多万巴万 白星 以為常遷起居舍人同知諫院蘇轍舉直言策入第四 而朝廷獨不知其為災當益甚皆不當質詔從之後遂 食四方見京師不見天意人君為陰邪所服天下皆知 院推修起居注五群而後受判禮部有司奏六月朔日 封府推官賜五品服交趾贡異獸謂之麟公言真偽了 厚賜其使而還其獸因奏賦以諷遷度支員外郎判句 知使其真非自然而至不足為瑞若偽為遠夷笑願

たこうこ 發其議公時為并州通判間而繼之上疏言禮大宗無 等而考官以為不當收公言報於同科四人中言最切 始不豫國嗣未立天下寒心而不敢言惟諫官范鎮首 無益奉養者皆不宜數御上嘉納之初至和三年仁宗 官王陶同上疏願為宗廟社稷自重部罷燕飲安養神 宗不許曰求直言以直棄之天下其謂朕何公遂與諫 氣後宮嬪御進見有度左右小臣賜予有節厚味腊毒 直有爱君爱國之心不可不收時宰相亦以為當點仁 騎文章正京

言沈思久之日得非欲選宗室為繼嗣者子此忠臣之 一賢者使攝偽貳以待皇嗣之生退居藩服不然則典省 力行之時仁宗簡點不言雖執政奏事首肯而已聞公 疏且面言臣昔為并州通判所上三章願陛下果斷而 衛尹京邑亦足以係天下之望疏三上其一留中其二 付中書公又與鎮書此大事不言則己言一出豈可復 子則小宗為之後為之後者為之子也願陛下擇宗室 **反願公以死爭之於是鎮言之益力及公為諫官復上**

金只四母母書

言但人不敢及耳公曰臣言此自謂必死不意陛下開 發明堂韓公攝大尉沐為監祭公從容謂洗聞君與司 日不可願陛下自以意喻宰相是日公復言江淮監事 大事不可不使琦知思所以廣上意者即曰所言宗廟 請中書白之宰相韓琦問公今日復何所言公點計此 納上曰此何害古今皆有之因令公以所言付中書公 史裏行陳洙同詳定行戶利害洙與公屏語曰日者大 社稷大計也琦喻意不復言後十餘日有古令公與御 續文章正宗

沙定四年全

言臣向者進說陛下欣然無難意謂即行矣今寂無所 馬君實善君實近建言立嗣事恨不以所言送中書欲 此不祥之事小人無遠慮特欲倉猝之際援立其所厚 聞此必有小人言陛下春秋鼎盛子孫當千億何還為 達此意耳時嘉祐六年閏八月也至九月公復上疏面 發此議無自發之行戶利害非所以煩公也欲诛見公 定策國老門生天子者此禍豈可勝言哉上 善者耳唐自文宗以後立嗣皆出於左右之意至有極 Ę **災定四車台書** 受命不受辭皇子不當解避使者不當徒反凡召皇子 毫之利至相爭奪今皇子辭不肯之富至三百餘日不 半禁中出寸紙以某人為嗣則天下莫敢違琦等皆唯 送中書公至中書見琦等曰諸公不及今定議異日夜 受命其賢於人遠矣有識聞之足以知陛下之聖能為 唯日敢不盡力後月餘詔英宗判宗正寺固幹不就職 天下得人然臣聞父召無諾君命召不俟駕而禮使者 明年遂立為皇太子稱疾不入公復上疏言凡人爭絲 衛文章正京

受命究國公主下嫁李瑋以縣恣聞公上疏言太宗時 成疾耳太宗然日王年少不知為此汝華教之杖乳母 内臣皆乞責降且以臣子大義責皇子宜必入英宗遂 以太宗為法公主事夫以獻穆為法已而公主不安於 數十召担慰勉之齊國獻穆大長公主太宗之子真宗 召王乳母入問起居狀乳母曰王無疾以姚坦故鬱鬱 姚坦為克王翊善有過必諫左右教王詐疾踰月太宗 之妹陛下之姑而謙恭率禮天下稱其賢願陛下教子

自りロノノニ

設定四車全書 非永世法及將相大臣典州者多以貴倨自恃凌忽轉 諫院上疏言經略安撫使以便宜從事出於兵與權制 沂國待李氏恩禮不衰判檢院權判國子監除知制語 力辭至八九改授天章閣待制兼侍講賜三品服仍知 心乎瑋既責降公主亦不得無罪上感悟詔公主降封 璋散遣其家人公言陛下追念章懿太后故使瑋尚主 今乃母子離析家事流落陛下獨無雨露之感悽惻之 李氏詔瑋出知衛州公主入居禁中而瑋母楊歸其兄 續文章正宗

婦人無益近制惟皇后有之鹵簿本以賣軍功未常施 ·葬給鹵簿公言董氏秩本微病華之日方拜充媛古者 追贈婉儀又贈淑妃輟朝成服百官奉慰定益行册禮 法推恩者多矣皆陵遲之漸不可以不正充缓董氏夷 而獄不窮姦澤加於舊軍人詈三司使而法官以為非 運使使不得舉職朝廷務省事專行始息之政至於胥 犯階級於用法疑其餘有一夫流言於道路而為之變 更謹謹而逐御史中丞輦官悖慢而退宰相衛士凶逆

次 定四車全書 於趙氏特以親用外戚小人故員誇天下今太后初攝 首上疏言章獻明肅太后保佑先帝進賢退姦有大功 舉仁宗崩英宗以永毀致疾慈聖光献太后同聽政公 得給至章庶人始今妃主葬日皆給鼓吹非今典不足 於婦人惟唐平陽公主有舉兵佐高祖定天下之功乃 耳天聖親郊太妃止贈二代而 況妃乎知嘉祐八年貢 別嫌明微妃不當與后同表益引却慎夫人坐正為此 法時有司新定後官封贈法皇后與妃皆贈三代公言 續文章正宗

國有大爱中外窘乏不可專用乾與故事若遺賜不可 質直如薛奎者當信用之都很如馬李良讒諂如羅崇 時公所得仁宗遺賜珠金直百餘萬率同列三上章言 皆自旁親入繼大統追尊其父祖天下非之願以為戒 以為後元帝亦不追尊鉅鹿都尉南頓君惟哀安桓靈 帝後終不追尊衛太子史皇孫光武起布衣得天下自 熟者當缺遠之則天下服又上疏英宗言漢宣帝為胎 大政大臣忠厚如王曾清純如張知白剛正如魯宗道

一不可當直下合同司移所屬立供如上所取已乃具數 皇太后有所取用有司奏覆得御實乃供公極論以為 得珠為諫院公使錢金以遺其舅氏義不識於家英宗 奏太后以防矯偽曹价除使相两府皆遷公言佾無功 疾既平皇太后還政公上疏言治身莫先於孝治國莫 辭則宜許侍從以上進金錢佐山陵費不許公乃以所 而得使相陛下以慰母心耳令两府皆遷無名若以還 先於公其言切至皆母子間人所難言者時有司立法

火をりをとき

衛文章正宗

など人口にろう 守忠意沮壞大策離問百端賴先帝不聽及陛下嗣位 守忠等皆遷公復爭之因論守忠大姦陛下為皇子非 政為功則宿衛將師内侍小臣必有觀望已而都知任 慶歷問籍陝西民為鄉弓手已而刺為保捷指揮民被 以謝天下韶以守忠為節度副使靳州安置天下快之 其毒兵終不可用遇敵先北正兵隨之每致崩溃縣官 時有詔陝西刺民兵號義勇公上疏極論其害云康定 反覆革面交構兩宮國之大賊人之巨蠹乞斬於都市

宣忠臣哉願點之以厲天下執政建言濮安懿王德盛 章六上不從乞罷諫官不許王廣淵除直集賢院公言 知其坐食無用汰遣歸農而情游之不能復反南畝彊 位薄其為人不用今廣淵當仁宗之世私自結於陛下 獨稱疾不行及即位待綰有加周世宗鎮澶淵張美為 廣淵姦邪不可近昔漢景帝為太子召上左右飲衛給 者為盗弱者轉死父老至今流涕也今義勇何以異此 三司吏掌州之錢穀世宗私有求假美悉力應之及即

大三日年 台

續文章正宗

門二

海傅克俞范純仁日大防趙鼎趙瞻等皆爭之相繼降 敢復顧其私親今日所以崇奉濮安懿王典禮宜一準 等相顧不敢先公獨奮筆立議曰為之後者為之子不 祭而延州指使高宜押件傲其使者侮其國主使者訴 默公上疏乞留之不可則乞與之皆貶初西戎遣使致 即教吏以公手禁為案至今存馬時中外的納御史日 先朝封贈期親尊屬故事高官太爵極其尊榮議成珪

金月口是五十

位隆宜有尊禮詔太常禮院與两制議翰林學士王珪

次七四華全書 !! 為法而以中祐為戒漸不可長宜較逸更疆場納故徐 邊臣皆以生事為能今若選将代中祐則来者必以滋 禍生於高宜北狄之隙起於趙滋朝廷方賢此二人故 與之計較末節及其禁假又從而姑息之近者西我之 李中祐為不材選将代之公言國家當戎狄附順時好 於朝公與日海乞加宜罪不從明年西戎犯邊發累吏 丹之民有捕魚界河伐柳白溝之南者朝廷以知雄州 士趙滋為雄州專以猛悍治邊公亦論其不可至是昇 續文章正宗

|何也公趙出上遣内臣至閤門彊公受告拜而不受趣 為公日臣不能為四六上日如两漢制詔可也公日本 疏論三事皆盡言無所隱諱除龍圖閣直學士判流內 朝故事不可上曰卿能舉進士取高等而云不能四六 不文或文而不學惟董仲舒揚雄兼之卿有文學何辭 為翰林學士公力辭不許上面諭公古之君子或學而 銓改右諫議大夫知治平四年貢舉神宗即位首擢公 以文粮往反若輕以矢刃相加者坐之京師大水公上 **武宰相不已執政議再贬陷公言陷誠可罪然陛下欲** 願俟宰相押班然後就職上曰可陷既出知陳州謝章 填宰相權重今陷復以言宰相罷則中丞不可復為臣 得已乃受遂為御史中丞初中丞王陶論宰相不押常 相不押班細故也陷言之過然愛禮存羊則不可已自 朝班為不臣宰相不從陶爭之力遂罷公既繼之言宰 公入謝日上坐以待公公入至廷中以告置公懷中不

次定四軍全書 ~

廣言路屈已受陶而宰相獨不能容乎乃已上疏論修

續建章正宗

尘

之因論高居簡姦那七加遠電章五上上為畫龍寄資 為内侍省押班今除張茂則止四十八不可至是又言 矣公在英宗時與日詢同論祖宗之制句當御樂院常 理官資食其虞給非祖宗本意又故事年未五十不得 宗其後以獻英宗今以獻陛下平生力學所得盡在是 用供奉官以下至内殿崇班則出近歲居此位者皆暗 心之要三日仁日明日武治國之要三日官人日信賞 日必罰其說甚備且日臣昔為諫官即以此六言獻仁

降點權歸中正謗歸陛下是去一居簡得一居簡上手 爭之又言近者王中正往陝西知涇州劉海等韵事中 言國初草創天步尚艱故即位之始必以左右舊人為 惟陛下知之若無臣不敢避妄言之罪萬一有之不可 韶問公所從知公曰臣得之賔答非一人言事之有無 内臣居簡亦補外未幾復留陳承禮劉有方二人公復 正而鄜延鈴轄吳舜臣違失其意已而海等進擢舜臣 不察韶用官邸直省官郭胎選等四人為問門祗候公 お見に一字ににいて

敏定匹庫全書 名山矣若名山餘聚尚多選北不可入南不受窮無所 知何以待之臣恐朝廷不獨失信於該祚又将失信於 上疏極論以為名山之衆未必能制諒祚幸而勝之滅 館職豈可使厮役為之英宗山陵為儀仗使賜金五十 腹心耳目謂之隨龍非平日法也問門祗候在文臣為 名山欲以横山之衆取諒祚以降詔邊臣招納其衆公 两銀合三百两三上章群從之邊吏上言西戎部將嵬 該祚生一該祚何利之有若其不勝必引衆歸我不 卷四

若謀為所因與殺為二則故與殺亦可為二邪自掌相 議之安石是遵議公言謀殺猶故殺也皆一事不可分 者得免所因之罪婦當減二等不當絞詔公與王安石 謀殺其夫傷而不死者吏疑問即承知州事許遵識之 歸必将突據邊城以救其命陛下獨不見侯景之事乎 有司當婦絞而詔貸之遵上議準律因犯殺傷而自首 用兵盖自是始矣兼翰林侍讀學士登州有不成婚婦 上不聽遣将种諤發兵迎之取綏州費六十萬萬西方

陛下追用先帝本意不受此名上大悅手詔答公非卵 復以非時上尊號昔漢文帝時單于自稱天地所生日 有往来書信彼有尊號而我獨無以為深恥於是羣臣 權知審官院百官上尊號公當答記上疏言先帝親郊 月所置匈奴大單于不聞文帝復為大名以加之也願 不受尊號天下莫不稱頌末年有建言者國家與郭丹 文彦博以下皆附公議然卒用安石言至今天下非之 不聞此言善為答詞使中外晓然知朕至誠非欺衆

銀定匹庫全書

卷四章正章

Caronel Sinks 常衮辭賜饌時議以為衮自知不能當辭位不當解於 對公言殺災節用宜自貴近始可聽两府幹賜安石曰 武臣宗室刺史以上皆減半公與學士王珪王安石同 府所賜以匹两計止二萬未足以叛災宜自文臣两省 禄固位者國用不足真急務安石言非是安石曰不足 足乞今歲親郊兩府不賜金帛送學士院取肯公言两 邀名者遂終身不復受尊號執政以河朔災傷國用不 且國用不足非常今之急務也公曰衮解禄猶賢於持 續文章正宗 の大大

陷帝不變法則漢幾亡爭議不已王珪進曰救災節用 **斂以畫民財民窮為盗非國之福安石曰不然善理財** 者不加赋而上用足公曰天下安有此理天地所生財 者以未得善理财者故也公曰善理财者不過頭會箕 不明耳至其末年盗贼緣起幾至於亂若武帝不悔禍 賦此乃桑弘羊欺漢武帝之言太史公書之以見武帝 旱不加賦而上用足不過設法陰奪民利其害甚於加 貨百物止有此數不在民則在官譬如雨澤夏澇則秋

金分四月百十

卷山

次定日草 白 章閣待制知諫院韶公與張茂則同相視二股河及生 宜自貴近始司馬光言是也然所費無幾恐傷國體王 北放出御河胡盧河下流以紓恩冀深瀛以西之惠時 約約水東流若東流日深北流自淺新夠漸備乃塞其 提利害公用都水監丞宋昌言策乞於二股之西置上 允答之會安石當制遂引常衮事責两府两府亦不復 安石言亦是惟明主裁擇上曰朕意與光同然姑以不 辭無史館修撰上問公可為諫官者公薦日誨誨以天 衛文章正宗

守成之道故孝惠高后時天下晏然衣食滋殖上口漢 宰相雖田父野老皆號司馬相公而婦人孺子知其為 是行之十餘年無一不如公言者天下傳誦以公為真 建為青苗助役水利均輸之政置提舉官四十餘員行 君實也河英進讀至肅何曹參事公日參不變何法得 其法於天下謂之新法公上疏逆陳其利害曰後當如 議者多不同公於上前反覆論難甚苦卒從之後皆如 公言賜詔獎諭王安石始為政創立制置三司條例司

常守蕭何之法不變可乎公曰何獨漢也使三代之君 大己の事合門 是也有三十年一變者刑罰世輕世重是也有百年不 變也後數日口惠卿進講因言先王之法有一年變者 舊章漢武帝用張湯言取高帝法紛更之盗賊半天下 商政政山舊然則雖周亦用商政也書曰無作聰明亂 常守禹湯文武之法雖至今存可也武王克商曰乃反 正月始和布法象魏是也有五年一變者巡行考制度 元帝改宣帝之政而漢始衰由此言之祖宗之法不可 續文章正宗

變者父慈子孝兄友弟恭是也前日光言非是其意以 金ピカロア 非大壞不更造也大壞而更造非得良匠美材不成今 是為世輕世重非變也且治天下譬如居室弊則修之 王不白變也刑新國用輕典亂國用重典平國用中 諷朝廷且譏臣為條例司官耳上問公惠卿言何如公 法為時變月變耶諸侯有變禮易樂者王処守則誅之 曰布法象魏布舊法也何名為變若四孟月朔屬民讀 二者皆無有臣恐風雨之不庇也公卿侍從皆在此廟

是非耳何至是講單賜坐户外將出上命徒坐户内左 陛下問之三司使掌天下財不才而點可也不可使两 臣踈賤在闕門之外朝廷之事不能盡知借使聞之道 而不從何不去公作而答曰是臣之罪也上曰相與論 例司何也惠卿不能對則詆公曰光為侍從何不言言 主安用例苟用例而已則骨吏足矣今為看詳中書係 府侵其事今為制置三司條例司何也宰相以道佐人 右皆避去上日朝廷每更一事舉朝函函何也王珪曰

於定四車全書

續文章正宗

四十九

臣恐異日之青苗猶河東之和羅也上曰陝西行之久 威乎惠卿曰青苗法願取則與之不願不彊也公曰愚 民為之尚能以蠶食下戶至饑寒流離况縣官法度之 樂與官為市其後物貴而和雜不解遂為河東世世患 何昔太宗平河東立和雜法時米到十餘錢草東八錢民 民知取債之利不知還债之害非獨縣官不殭富民亦 路又不知其虚實也上曰聞則言之公曰青苗出息平 不疆也臣開作法於涼其弊猶貪作法於貪弊將若之 j E を とり車という 矣侍講吳中起日光言至論也公曰此皆細事不足煩 乏米益陳奈何惠卿曰坐倉得米百萬科則省東南百 狼戾今不雜米而漕錢棄其有餘取其所無農末皆病 萬之漕以其錢供京師何患無錢公曰東南錢荒而米 矣民不以為病公曰臣陝西人也見其病不見其利朝 未罷也公曰京師有七年之儲而錢常乏若坐倉錢益 坐倉報米何如坐者皆起曰不便上已罷之幸甚上 廷初不許也而有司尚能以病民况立法許之乎上曰 續文章正宗

一兵事也官各有職不當以他事為辭公言臣未受命則 一段韓琦上疏論青苗之害上感悟欲罷其法安石稱疾 用臣臣受賜多矣不然終不敢受命上遣人謂公樞密 **能制置條例司追還提舉官不行青苗助役等法雖不** 求去會拜公樞密副使公上章力辭至六七曰上誠能 **牧夫公趨出上日卿得無以惠卿之言不樂乎公曰不** 人主但當擇人而任之有功則實有罪則罰此則陛下 一曰然文王罔攸無于庶言庶獄庶慎惟有司之

タジェノノニー

於**定**四車全書 安石上書告其罪茍可以覆王氏者靡不為也由是天 謂呂惠卿對賓客報指言之曰覆王氏者必惠卿也小 於今誠有順適之快一旦失勢必有賣公以自售者意 能公亦卒不受命則以書阶安石三往反開喻切至猶 士於公當路時雖齟齬可憎後必徐得其力諂諛之人 幸安石之聽而改也且曰巧言令色鮮矣仁彼忠信之 猶侍從也於事無不可言者安石起視事青苗法卒不 人本以利合勢傾利移何所不至其後六年而惠卿叛 續文章正宗

司令臣皆未敢從若乏軍與臣坐之於是一 池樓榜皆不急乾糧皺飯昔常造後無用腐棄之宣撫 城池樓槽如邊郡且遣就糧長安河中郊三輔騷然公 里惡少為竒兵調民為乾糧麨飯雖內郡不被邊皆修 撫使下今分義勇四番欲以更成邊選諸軍號勇募問 學士出知水與軍朝辭進對猶乞免本路青苗助役旨 下服公先知公求補外上猶欲用公公不可以端明殿 |疏極言方凶歲公私国弊不可舉事而水與一路城

内且死當以授所善范純仁范祖禹使上之凡居洛士 尤病民者宜先罷又以書賣宰相吳充天子仁聖如此 以天下旱蝗詔求直言公讀詔泣下欲點不恐乃復陳 自是絕口不論事以祀明堂恩加上柱國熙寧七年 **頃之詔移知許州不赴遂乞判西京留司御史臺以歸** 乃預作遺表大界如六事加詳盡感緊親書緘封置卧 而公不言何也元豐五年公忽得語澁疾自疑當中風 一青苗二免役三市易四邊事五保甲六水利此 衛文件王子

留相天子活百姓所在數十人聚觀之公懼會放解謝 遂徑歸洛太皇太后聞之詰問主者遣使勞公問所當 皆以手加額日此司馬相公也民遮道呼曰公無歸洛 無知歸怨先帝宜下詔首開言路從之下詔榜朝堂而 五年再任留司御史臺四任提舉崇福宫官制行改奏 先者公言近歲士大夫以言為諱問問愁苦於下而上 不知明主憂熟於上而下無所訴此罪在羣臣而愚民 大夫加資政殿學士神宗崩公赴關庭衛士見公

銀定四庫全書

當時有不欲者於詔語中設六事以禁切言者曰若陰 矣時太府少卿宋彭年水部員外郎王諤皆應詔言事 十斤公具論其情且請改賜詔書行之天下從之於是 有欲借此二人以懲天下言者皆以非職而言贖銅三 以干取虚譽若此者必罰無赦太皇太后封詔草以問 公公曰此非求諫乃拒諫也人臣惟不言言則入六事 有所懷犯非其分或扇搖機事之重或迎合已行之令 【以觀望朝廷之意以僥倖希進下以眩感流俗之情 1.11. 衛之節正六

馬限皆從中出大臣不與公上疏謝當今急務陛下略 無敢背刻暴斂廢導洛司物貨場及民所養戶馬寬保 者止御前工作出近侍之無狀者三十餘人戒殺中外 而太皇太后已有古散遣修京城役夫罷減皇城內觇 四方吏民言新法不便者數十人公方草具所當行者 人見使者勞問相望於道至則拜門下侍郎公力辭不]行之矣小臣稽慢罪當萬死詔除公知陳州且過關 賜手詔先帝新棄天下

銀定四庫全書

巻四 ショニュニ

欽定四軍全書 安石八年不復召而惠卿亦再逐不用元豐之末天下 必變雖安石亦自悔恨其去而復用也欲稍自改而惠 卿之流恐法變身危持之不肯改然先帝終疑之遂退 病矣先帝明聖獨覺其非出安石金陵天下欣然意法 矣而宰相王安石用心過當急於功利小人得乗問而 英偉絕人之資勵精求治凛凛乎漢宣帝唐太宗之上 位耶公不敢復辭以覃恩遷通議大夫初神宗皇帝以 入吕惠卿之流以此得志後者慕之爭先相高而天下 経り 章正宗

省拘滞四方之人德宗立未三月罷之德宗晚年為官 棄市岩五百者多死景帝元年即改之武帝作鹽鐵權 當如救焚拯溺猶恐不及告漢文帝除肉刑斬右趾者 酷均輸等法的帝罷之唐代宗縱官官公求縣遺置家 也若安石惠卿等所建為天下害非先帝本意者改之 人言公慨然爭之曰先帝之法其善者雖百世不可變 為三年無改於父之道欲稍損其甚者毛舉數事以塞 多故及二聖嗣位民日夜引領以觀新政而進說者以 之不取息而民所欠錢皆除其息京東鑄鐵錢河北江 進退皆天下所謂當然者然後朝廷清明人主始得聞 不復買見在者還監收給諸軍廢市易法所儲物皆營 **悅服後世稱頌未有或非之者也況太皇太后以母段** 下利害之實遂罷保甲團教依義勇法歲 非子改父衆議乃定公以為治別之機在於用人邪 分則消長之勢自定每論事必以人物為先凡所 **展横鹽鐵月進羨餘順宗即位罷之當時** 一関保馬

狄定四庫全書

續文章正宗

五花

年正月公始得疾詔公與尚書左丞呂公著朝會與執 役青苗将官之法猶在而西戎之議未決也山陵畢選 此先帝本意也非吾君之子不能行吾若之意時獨免 户部使尚書周知其數量入以為出於是天下釋然日 公正議大夫公自以不與顧命不敢當詔不許元祐元 用未即罷遣使相視去其甚者戶部左右曹錢穀皆領 西福建湖南鹽及福建茶法皆復其舊獨川峽茶以邊 治書凡昔之三司使事有散隸五曹及寺監者皆歸

欽定四庫全書 歸之轉運使及提點刑獄公謂監司多新進少年務為 政異班再拜而已不舞蹈公疾益甚數曰四患未除吾 博議與公合衆不能奪又論将官之言記諸将兵皆隸 州縣軍政委守令通決之又乞廢提舉常平司以其事 用兵為非時異議者甚聚公持之益堅其後太師文彦 死不瞑目矣乃力疾上疏論免役五害乞直降敕能之 **用熈寧以前法有未便州縣監司節級以聞為一** 縣法詔即日行之又論西戎大客以和我為便 騎之章正宗 五六

轉運使提點刑獄於通判中 射疾稍間将起視事詔免朝覲許以有輿三日一 行吏事武畧等為十科以求天下遗才命文臣升朝以 公肩與至内東門子康扶入對小殿且曰母拜公惶恐 一歲舉經明行修一人以為進士高選皆從之 下尚書省公不敢當曰不見君不可以視事詔 一遂能青苗錢專行常平難雜法以歲 舉轉運判官又以文學德

刻急天下病之乞自太中大夫待制以上於郡守中

次定四車<u>全</u>書 方躬祀明堂禮成不賀二聖皆臨其喪哭之哀甚輟視 減價難惟中等則否及下等而不雜及上等而不雜皆 匹賜龍腦水銀以斂命戶部侍郎趙贍入内內侍省押 朝贈太師温國公後以一品禮服賻銀三十两絹四十 西府享年六十八太皇太后聞之働上亦感涕不已時 不為以身任天下之責數月復病以九月丙辰朔薨子 坐之時二里恭儉慈孝視民如傷虚己以聽公公知無 下熟為三等穀賤及下等則增價雜貴及上等則 續文章正宗

今之宜不 喜釋老曰其微言不能出吾書其誕吾不信 退居於洛往來陝郊陝洛問皆化其德師其學法其儉 天文書數皆極其妙晚節尤好禮為冠婚喪祭法適古 饑之 皆食於財利給華如惡惡臭誠心自然天下信之 班馬宗道護其喪歸葬夏縣官其親族十 有不善曰君實得無知之乎博學無所不通音樂律歷 **友恭儉正直出於天性自少及老語未常妄其好學如** 生產買第洛中僅庇風雨有田三項喪其夫人質 人公忠信孝

欠三日日 八十 者有文集八十卷資治通鑑三百二十四卷考異三十 皆手礼論當世娶務京師民畫其像刻印帶之家置 中語然皆朝廷天下事也既没其家得遺奏八紙上之 諸葛孔明二十罰以上皆親之以此致疾公不可以不 戒公曰死生命也為之益力病革諄諄不復自覺如夢 欲以身殉天下躬親庶務不舍晝夜賀客見其體羸曰 本飲食必祝馬四方皆遣人購之京師時盡工有致富 田以葬惡衣菲食以終其身自以遭遇聖明言聽計從 續文章正宗 人

卷注繫解二卷注老子道德論二卷集注太玄經八卷 於用無益之文未嘗一語及之初公患歴代史繁重學 記十二卷醫問七篇其文如金玉穀吊樂石也必有適 外語目三卷書儀八卷家範四卷續詩話一卷遊山行 **巻歴年圖七巻通歴ハ十** 大學中庸義一卷集注揚子十三卷文中子傳一卷河 公鄉表六卷翰林詞草三卷注古文孝經 能綜況於人主遂約戰國至秦二世如左氏體為 - 卷稽古録二十卷本朝百官 一卷易說三

金写四月五十

にこうう 部尚書存之女封清河郡君先公卒追封温國夫人子 製取賜名資治通鑑詔邇英讀其書賜賴邱舊書二千 四百二卷書成拜資政殿學士賜金帛甚厚娶張氏禮 素所賢者劉放劉恕范祖禹為屬官凡十九年而成起 通志八卷以進英宗悦之命公續其書置局祕閣以其 似之問皆有辨論一事而數說者必考合異同而歸之 周威烈王記五代上下一千三百六十二載其是非疑 一作考異以志之神宗尤重其書以為賢於首悅親為 1121 續大章正宗 五九

矣其知之也深公可謂不到所知矣其報之也大軾從 多分四月全書 其意故為政之日自信而不疑嗚呼若先帝可謂知人 深公思有以報之常誦孟子之言曰責難於君謂之恭 皆承奉郎公歷事四朝皆為人主所敬然神宗知公最 用公也夫復用公者宣徒然哉将必行其所言公亦識 而神宗識其意待之愈厚及拜資政殿學士盖有意彼 陳善閉和謂之敬吾君不能謂之賊故雖議論違忤 三人童唐皆早亡原今為秘書省校書郎孫二人植桓

处已印度 三方 公遊二十年知公平 以治亂安危者皆不載謹狀 編文章正宗 至

